


**Mla er a President
Thomas S. Monson**



Moltirakl er a re Profet-

Ak milesiou el ngara United States Navy ra mocha ra ulellebengelel a Ongerung el Mekemad. Ak mle seaman, sel kot el ngariou el deruchal er a navy. El telkib eak ngilsechekl el mo Seaman First Class, e a uriul e ak ngilsechekl el mo Yeoman Third Class.

A Ongerung el Mekemad a mlo merek, ea uriul ak mlo olenguul. Eng di ak tilbir er a renguk el kmo alsekum mak lemuut elmo soiiseb ra tekoi ra kelsoldau, eng soak el tirkel ngeliitel el loureor ra obis. Ma kulemdasu, “Ngdiak kluut el chelbangel a mekikiongell ra uum, diak kulatech a dek, alsekum meng sebechek elmo eroid er ngii.”

Me sera Bok merek, Eak mlo soiiseb er a United States Naval Reserve. Mak mlora omesuib ra bekl el kebeseungei ra Kot el lureor. Ak mle blak a renguk el mesuib me bol sebechek el ngoriakl ra skuul. Ak ngilai a bekl el tekengel a skeng ra: uldasu, bedenged, me a reng. Meng sel lorokiolel, eng mlei a ngungil chais, “Kau a bla le kengei er kau meke -mo nguu sel ngerachel ra ungil el lokesiu ra United States Naval Reserve.”

Ak dmeu a renguk e mocha ochotii er a bechik, ra Frances, e melekoi el kmo, “Ak siliseb! Ak siliseb!” Meng mechulak el melekoi el kmo, “Ke mle meringel el loureor el kirel.”

E ngii a kuk di mle kiul dubech a tara tekoi. Ak mlo kedong elmo counselor ra bishopric ra ward el ngar ngii. Ea miting er a bishop council a morngii er a osisiu el kesus el ngarngii tial kuk miting er a omesuib ra navy.

Ak mle ungil medengei el kmo tia meral etiteuokel el tekoi. Ak mle medengei el kmo Ng diak a temek el mele-molem ra tekoi er a Naval Reserve *ma* ngerechelek er a bishopric. Meng ngak Ak mo mekerang? Meng kirel elmo terkokl a imol tekoi.

Ak miluluuch el kirel. Mak mocha mes er a chad el mle stake president er ngak sera direk kekerei el buik, Elder Harold B. Lee (1899–1973), ra direk ke le ngara Eldebechel er a re Teruich ma Terung el Apostol-. Mak mocha dengchokl el chemau ngii. Ak kuluchais er ngii el kmo ng kmal klou a belkul sel ngerachel el bo lomeskak. E diak el dil sei, Ak kulchotii a lecheklel sel babier er a ngerchelek el blak nguu.

Me tia er a bol merek el telkib el taem el melbedebek er tial tekoi, eng milekoi er ngak el kmo, “Tiakid a kirem elmo meruul er ngii, e Brother Monson. Ke luchesii a babier el mora Bureau er a Naval Affairs el kmur re tir el kmo a uchul eak mla mokedong elmo chedal a bishopric, eng diak ke ngei ersel ngerachel ra United States Naval Service.”

Ng di miltirem a renguk. E liluut el melekoi, “E moluches el mora mereder er a Twelfth Naval District ra San Francisco e mdur tir el kmo ng soam elmo merek el ngara reserve.”

Mak dilul kmo, “Elder Lee, kau a diak ke modengeliu a tekoi ra kelsoldau. Ngultebechel el bo lak el kengei el meskak sel ngerachel alsekum eng diak kengei el nguu, eng di sel Twelfth Naval District a diak el bol bechikak.

Me tial mekemad el mocha muchel er a Korea, e tirkel diak a tokubets el ngerchelir el soldau a mo mokedong. Mal sekum mak mo mengai, Eak bai kongei el llmuut el morsel ngerachel, eng di ng diak kengei alsekum meng diak nguu tial ngerachel. Kau ke kmal lungil medengei el kmo tia ea ngungil el rael el kau a soam ak nguu?”

Ma Elder Lee a ngiluu a imal loia er a olengchelek e ngara teletelel a ungil edam e melekoi, “ Brother Monson, bol mui a klaumerang er kau. A tekoi er a kelsodau e diak el kirem.”

Mak mlora blik. Ak ngiluu tial dedekims ra iuosech ra medak el babier ra ngerachel el sukur er a huto lobengkel a babilngek el diak kengei el melai er tial ngerachel. Eak mocha luchesii a babier el mora Twelfth Naval District e lolengit elmo merek el ngara Naval Reserve.

Sera ak mengubet er a Naval Reserve eak mlar sel btil omerael el lungetmokl a babilngir ruhei er a lomuchel sel Mekemad er a Korea. Sel btelul a chelehad elk bla re ngii a mlo kedong. Ngelolem el sandei ruriul er ak mokedong elmo chedal a bishopric, Eak mlo kedong elmo bishop er a ward er ngak.

Ngak a diak el sebechek el ngar tial deruchal er a Ikelesia el kngar ngii er chelechang alsekum meng dimlak kutireklii sel tekingel a profet, e ulekum meng dimlak kululuuch, el ulekum meng dimlak bo kulchesuar er a klou el klemerang el kmo: a lemsel a Dios ra bekl el taem a lomes er ngii el klebelung a rechad.¹ Eng di sel kot el klou el imol losisechakl el sebeched el subii er tial klengar a sel sekum a Dios a melekoi ea rengelekel oltirakl, e te di blechoel eldi moungil.

Te melekoi el kmo a reksii a meliuekl lokuu a mekereei el iins, ma klengar er kid meng uaisei. A uldasu a metebecheliu a blekeklel a klengar. Eng di diak el di kid el mengismuk a uldesued.

Alsekum meng soam el mesang sel llomes er a babe-luades, alsekum meng soam el melchesuar ra Mesisiich el Dios, alsekum meng soam el morngii seikid el reng er a elsel a rengum el Demam ra Babeluades a omekrael er kau, e bo moltirakl er a re profet- er a Dios. Sel sekum ke oltirakl er a re profet-, e ke ngara selbechakl el basio.

ULEKLATK

1. Mesang a1 Corinthians 2:14.

OSISCHEKLEL TIA EL KLUMECH

Ngdiak el betok el chad er a Ikelesia a nguu sel osisechakl el dubech er a imol chad ma Apostol, el ua President Monson. Eng di kid a dirrek elmo mukeltengat sel doltirakl aikel losisechekliir a re profet me a re apostol. Momtab sel monguiiu ra tekingel a President Monson ersel mlo merek el klou el longdibel (molatk er a ikel tekingel ra lomuchel ma bol merek el mengedecheduch el dirrek). Mosiik a ikel komakai el rael malechub eng ngureor el kired louedikel. Kau a sebechem el mesaod a ikel blam suub el mortirkel moldingel el tir e osiik a rael el mellalem aikel losisecheklel a President Monson.

NGEASEK

Osisechakl el kirel sel de Meringel el -Melilt

A President Henry B. Eyring, Kot el Counselor ra Kot el Presidency, a uluchais er a taem er a lotireklii a tekingel a ulauch. A tara le ngarngii a klou el longdibel, ea President Ezra Taft Benson (1899–1994) a ullerimel er a rechad mel kekad a belsir—tokuni a blals er a bank.

A President Eyring a melekoi: “Ak mileltak el mora bechik ra bol merek - a miting e uleker el kmo, “A momdasu eng ngarngii a roel eng sebeched el kutmeklii sel tekoi?” A kot eng dimlak el sebechemam.” Eng di seikid el kesus eng liletkii a kloklir el bla lolasem el meringel lolterau er ngii el mlamo rrak. “Aki ulumerang er a Dios ma . . . tekingel a mesiungel, maki mocha ou dengua. . . . Ak rirengesii a nger ersel taem el melmuut er chelechang eng smisichii a klaumerang er ngak ra Dios me a re Mesiungel.” Seikid el losisiu el sils ea chad a uldersii a char er tial kloklir er a ua Eyring el kuk mle klou ersel belsir. Ma re ua Eyrings a dimlak el meketeket eng mlo diak a belsir. (mesang a “Trust in God, Then Go and Do,” *Liahona*, Nov. 2010, 72–73).

Kau a locha diak a belsem el kirem el mengkad, eng di a tekingel a ulaoch a sebechel el mokrolau er tial lomerael el molmuut er a ikel meringel el laldas el kirel a tekingel a ureor, skull, a mission, ma skel a buch. Kam chadecheduch kau me a re telungalk er kau malechub e te sechelime el kirel a kmo ke mekerang a moltirakl er a profet sel molterkokl er a uldesuem.



Klaumerang, Telungalek, Ngeso

A ikel Lolengchelel a Jesus Kristo: Ngorenges a tekoï el Ngalk

Mosuub er tial tekoï lokiü a nglunguuch e mosiik el mo medengelii a bo mobang lolsisechakl. Ng mekera a klemedengei er kau er a klengar me a urerel a Osobel a le isois a klaumerang er kau er Ngii e lomekngeltengat er tirkel momekerreu er tir lokiü odingel me a osisechakl? A lmuut el bebil er a omesodel, e bo er a reliefsociety.lds.org.

Tia tebechedel sel kemanget el Visiting Teaching Messages el ngarnngii a olengchelel a Osobel.

Sel doltirakl ra Jesus Kristo er a okesiul el lolngesenges a tekoï eng kilungii a klaumerang er kid er Ngii. “Ng diak el kora mengasireng,” el melekoï a Elder Jeffrey R. Holland er a Cheldebechel er a re Teruich ma Terung el Apostol, “a Kristo a ullemuchel el melilt e ulterkeklii el lohotii a delongelel ngii ma demal—el kmo ng betik a rengul er ngii e orenge er ngii e otireklii el meral ngara teletelel a kedung el ngalk? . . . Olngesenges a kot el llach er a babeluades.”¹

A chedaol llechukl a olsisechakl el kmo “sel denguu a klengeltengat er a Dios, eng okiu a omengull er sel llach el milngai er a ulaoch” (D&C 130:21). A reng er kid a mukeroul sel dolkeed er kid er a Dios lokiü a blekongesenges er reng e de bsang a techall er a klisichel a Tngakireng er a Osobel el me soiiseb er a klengar er kid.

“Sel doraël el lolngesenges a ikel llach ma lechul a ebangelio er a Jesus Kristo,” el melekoï a Elder D. Todd Christofferson er a Chelechad ra re Teruich ma Terung el Apostols, “e kede tmeu a rengud e melmolm ersel klengeltengat el

miltib ra Dios er sel Telbilel lobengked. A ikekid el klengeltengat a meskid a ikel klekedall el dousbech el louedikel ra bai dongiil a tekoï elmo remlid el mouedikel er tial lomroled er a klengar. . . A blekongesenges el reng a meskid a klou el klisiich el mtebechel a klengar er kid, klou el techall el mimokl, elmo oureor e omeob.”²

Lmuut el Bebil er a Bades

Lukas 22:41–46; Doctrine and Covenants 82:10; 93:28

Ngara Chedaol Llechukl

“Ng sebechel a mesisiich el reng el mlo kdubech leng ultebechel el lulngesenges ra llach el moiuid el mora tara chad?” ngulker a Elder David A. Bednar er a Chelechad er a re Teruich ma Terung el Apostol. “A bleketakl el nger a kmo. . . ng diak.”³

Sel chedecheduch el kirir tirkel teruich el mekedung el redil a ungil el lokesiul tial llach. Me te rokui el mekedung el redil el ngilai a olbtelir elmo “olsiuekl er a merengel a chelebechiil,” eng di mle teiim a mle kletmokl me te ngilai a cheluch el locha ra olbtelir. E tirkel kuk teiim a dimlak el lomdasu meng “diak a cheluch el lulab.”

E ngii a morngii a diu er a suelb ra klebesei: “Momes, ng mermang a merengel a chelebechiil; morael elmo ousiuekl er ngii.” Me tirkel bebil ra re mekedung el redil a mocha mkard olbtelir, eng di tirkel dimlak el lomdasu a diak a cheluchelir. Me te melekoï el mortirkel mle kltmokl el redil el kmo, “Beskemam a cheluchemiü; le olbtelam a medei.”

Me te tirkel mle kltmokl el redil a onger el kmo, “Ng diak; leng diak el sebeched el rokui: e morael . . . e bo mo mechar a kuk kiriu.” Ma bochal dibus tirkal dimlak el kletmokl el redil, ea merengel a chelebechiil a mermang me tirkel mle kletmokl el redil a merolang el lobengkel ea “chesimer a ulebutek”

(Mateus 25:1–13).

ULEKLATK

1. Jeffrey R. Holland, “The Will of the Father in All Things” (Brigham Young University devotional, Jan. 17, 1989), 4, speeches.byu.edu.
2. D. Todd Christofferson, “The Power of Covenants,” *Liahona*, May 2009, 21.
3. David A. Bednar, “Converted unto the Lord,” *Liahona*, Nov. 2012, 109.

Ka Momdasu er Tiang

Ngera bebil er a okesui el kirel a dolngesenges el ngara edaol lechukl?